


Newspaper	UTUSAN MALAYSIA
Date	22 JANUARY 2017

Pas anggap Dr. Mahathir 'mudah lupa'

um- 22/1/2017

SHAH ALAM 21 Jan - Pengakuan Tun Dr. Mahathir Mohamad berhubung hasrat DAP menyandang jawatan Timbalan Perdana Menteri baru-baru ini membuktikan bekas Perdana Menteri itu sebenarnya seorang individu yang 'mudah lupa'.



ABDUL HADI AWANG

Presiden Pas, Datuk Seri Abdul Hadi Awang turut membayangkan pengakuan Dr. Mahathir itu bertentangan dengan prinsipnya sendiri yang selama ini mengin-

gatkan rakyat khususnya orang Melayu supaya tidak melupai sejarah perjuangan, pembentukan serta kedudukan negara pada hari ini.

Malah, beliau turut menyatakan mana-mana rakyat yang menuruti atau ber-setuju dengan pendirian Dr. Mahathir dalam isu jawatan Timbalan Perdana Menteri kepada DAP itu adalah termasuk dalam golongan yang sama.

"Kenyataan Tun Mahathir

mengenai jawatan Timbalan Perdana Menteri kepada DAP, untuk orang 'mudah lupa'. Kenyataan Dr. Mahathir itu untuk orang Melayu, Cina dan India yang mudah lupa," katanya kepada pemberita di sini hari ini.

Khamis lalu, Dr. Mahathir semasa menghadiri satu program di Yayasan Kepemimpinan Perdana, Putrajaya dilaporkan mengakui bahawa DAP pernah meminta jawatan Timbalan Perdana Menteri sekiranya pakatan pembangkang memenangi Pilihan Raya Umum Ke-14 (PRU-14).

Menurut Dr. Mahathir yang juga Pengerusi Parti Pribumi

Bersatu Malaysia (PPBM), hasrat tersebut disuarakan sendiri oleh DAP yang mahukan jawatan kedua tertinggi dalam kerajaan diserahkan kepada salah seorang pemimpin parti itu.

Dalam perkembangan lain, Abdul Hadi yang juga Ahli Parlimen Marang ketika ditanya mengenai perkembangan rundingan kerjasama antara Pas dengan PPBM, beliau menyatakan perkara itu masih terlalu jauh untuk dimuktamadkan selain menganggap gabungan politik di antara DAP, PAN, PKR dan PPBM tidak sesuai dengan konsep yang diamalkan dalam Pas.